

ASb
approved



Kgogo E Hlalefetša Ntšhu

Dikeledi Queen Phokane

Rob Owen

Sepedi





Kgalekgale Kgogo le Ntšhu e be e le bagwera. Ka letšatši le lengwe Lenong o ile a hwetša Kgogo a khuditše ka tlase ga mohlare le mekotla ya go tšwa mabenkeleng. Kgogo o be a eme ka leoto le tee.



Ntšhu a botšiša Kgogo a re, "Naa leoto le lengwe la gago le kae?"



Kgogo a botša Ntšhu a re, "Ralebenkele o ripile leoto la ka, a le tšea gomme nna a mpha dijo tše."



Ntšhu a botšiša Kgogo ge e ba le yena a ka dira seo gore a hwetše mekotla ya dijo. Ntšhu le yena o be a nyaka mekotla wa dijo. Kgogo a dumela.



Ntšhu o ile a ya go ralebenkele a mo kgopela go re a ripe
leoto la gagwe le tee gore a kgone go hwetša dijo le yena.
Ralebenkele a amogela kgopelo yeo.



Ntšhu o ile a tloatlola ka leoto le tee go fihla gae. O be a thabišitšwe ke dilo tšeo ralebenkele a mo filego tšona.



Ge Ntšhu a fihla gae, a hwetša Kgogo a nale maoto a gagwe
a mabedi.



Ntšhu o ile a befelwa kudu a kitimiša Kgogo. Efela a palelwa ke go mo swara. Ke ka lebaka leo le lehono re bonago Ntšhu e itefeletša ka go hloriša matswuana a Kgogo. Ge Ntšhu e swara tswuana, e a aja.

You are free to download, copy, translate or adapt this story
and use the illustrations as long as you attribute in the
following way: Nathan Higenyi Author - Nathan Higenyi

Translation - Dikeledi Queen Phokane

Illustration - Rob Owen

Language - Sepedi

Level - First paragraphs © African Storybook Initiative 2015

Creative Commons: Attribution 4.0

Source www.africanstorybook.org

